



Treinamentu ba Ekipa Ezekutivu AA iha Jakarta

HABERAN KAPASIDADE

Durante fulan Outubru no Novembru 2023, Pontu Fokal Jéneru AA no Koordenadór RH fasilita formasaun loron rua kona-ba "La'e ba Asédiu Seksuál" ba staff AA iha área fronteira Batugade no Suai, Salele. Hanesan parte hosi hasa'e konsiénsia kona-ba iguldade jéneru no asédiu seksuál ba staff AA nian, formasaun ida ne'e hala'o tiha ona iha edifisiu AA nian hotu iha fulan hirak liuba, inklui area fronteira nian ne'ebe staff AA nian haknaur daudaun ba.

Inisiativa hosi fahe koñesimentu La'e ba asédiu seksuál iha AA nian mós hetan apoju husi governu liuhosi Komisaun Funsau Públiku iha inisiu fulan FEVEREIRU 2023 hodi bele kontinua implementa ba oin iha AA laran.

Formasaun ne'e hala'o iha Batugade, Maliana husi 17-18 Outubru 2023 ho totál partisipante hamutuk na'in 11 (Mane 8 no Feto 3) no iha Suai, Salele hala'o iha 20 Novembru ho totál partisipante hamutuk na'in 8 (mane hotu)

Aleinde formasaun, Koordenadór RH, AA Sra. Marlina de Carvalho no Pontu Fokal Jéneru AA Sra. Rosa Cruz mos informa mós kona-ba lei administrativu no funsionariu públiku nian tuir regras no regulamentu ne'ebé aplika ba funsionariu públiku sira iha Timor-Leste.

RESEITA NE'EBÉ KOLEKTA HUSI AA IHA TINAN 2023

Autoridade Aduaneira Timor-Leste kolekta reseita anual liuhosi atividade relevante ba Alfândega nian iha pontu entrada diferente sira iha rai laran durante tinan tomak 2023, hudi 01 Janeiro ate 31 Dezembru 2023, favor haree detailu iha tabela:

Tax code & description	Duties & Taxes Receiveable	Duties % Taxes Collected
STX Sales Tax	22,933,016.93	22,890,588.29
STI Sales Tax Interest	0.00	1,204.12
Total Line	22,933,016.93	22,891,792.41
EXI Excise Interest	0.00	3,497.96
EXC Excise Tax	46,367,125.90	46,167,163.30
Total Line	46,367,125.90	46,170,661.26
ICD Import Customs Duty	33,631,712.90	33,571,389.52
ICI Import Customs Interest	0.00	1,609.98
Total Line	33,631,712.90	33,572,999.50
PFI Processing Fee Import	98,131.00	97,583.00
PFX Processing Fee Interest	0.00	8.37
Total Line	98,131.00	97,591.37
F12 Article 377 - 1	0.00	7,800.00
F14 Article 377 - 2	0.00	3,900.00
FEN Penalties	88,162.45	83,100.00
PEX Penalties on Export	42,671.00	42,171.00
PEN Penalty imposed by Customs	0.00	180,176.27
PEX Penalty imposed by Customs	0.00	1,350.00
Total Line	130,833.45	318,497.27
OCD Other Customs Duty - 5% late	47,489.00	47,490.00
OCI Other Customs Interest	0.00	144.94
Total Line	47,489.00	47,634.94
Commodities	Total budget	103,208,309.18
TIF Temporary Import Fee	507.51	507.51
Total Line	507.51	507.51
Tax Revenue	Total budget	507.51
Grand Total	103,208,816.69	103,099,684.26

HARI'I RELASAUN INTERNASIONAL

Hanesan kolaborasaun ne'ebé kontinua hela hodi haforsa kooperasaun bilateral, grupu ida husi ekipa jestaun AA participa iha formasaun loron 6 iha Pusdiklat, Regional Training Center, Jakarta, Indonesia.

Formasaun refere hahú husi loron 06 -11 Novembru 2023 ho partisipante hamutuk 14, kompostu husi mane na'in 10 no feto na'in 4. Tópiku formasaun nian kobre ba "Customs Modernization, Customs Reform Initiative, Risk Management in Customs Context no vizita sítu ba servisu alfândega nian balun durante periodu semana ida.

Ekipa jestaun seleionadu sira husi AA participa formasaun loron 6 refere ha área oin-oin hodi

hasa'e sira nia kapasidade no koñesimentu hodi lidera, maneja ekipa no knar relevante sira ba foti desizaun nian balun iha Autoridade Aduaneira laran.

Iha sesaun ikus ba formasaun ne'e, partisipante sira hetan trabalhu individuál ida ne'ebé kontein perguntas kona-ba dezafu sira iha futuro, etapa implementasaun, solusaun posivel sira no rekomendasaun balun kona-ba oinsá atu melhora di'ak liután ba oin.

ENKONTRU CTCC DARUAK IHA 2023

Nu'udar parte husi atividade regulár AA nian hodi organiza enkontru ho komersiante sira iha Timor-Leste, enkontru Komite Konsultativu Komersiu no Aduaneira (CTCC: Customs and Trade Consultative Committee - sigla Ingles) ba daruak nian hala'o ho partisipasaun husi membru permanente CTCC nian hotu. Enkontru daruak ne'e realiza iha dia 23 Novembru 2023, iha CA Knowledge Center, Edifisiu Jeral AA, Dili.

Totál Partisipantes hamutuk na'in 21 maka atende enkontru refere no fahe sira nia hanoin kona-ba tópiu sira ne'ebé apresenta relasiona ho asuntu

komersiu nian. Tópiku foun rua ne'ebé diskute entre sira seluk mak: Regra Lisensiamentu no Operasaun Despaxante Alfândega no introdusaun ba ezisténsia Comité Jestaun Fronteira (KJF) nian atu suporta atividade komersiu relevante sira iha área fronteira nian.

Membru CTCC nian fahe sira nia hanoin kona-ba tópiu sira no hamosu pergunta ba ekipa AA relevante sira hodi hetan resposta ne'ebe loos.

Aleinde ne'e, Minutas Enkontru ba CTCC nian mós fahe ba membru permanente CTCC hotu nu'udar referénsia ba enkontru sira tuir mai.



Membru CTCC durante enkontru daruak iha 2023